



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

**Odluka**  
**za nagrađivanje učenika srednjih škola koji su postigli zapažene rezultate na zvaničnim**  
**takmičenjima iz određenih nastavnih predmeta u prethodnoj 2023./2024. školskoj godini iz**  
**Budžeta Grada Sarajeva za 2024. godinu**  
**(Prijedlog)**

**Predlagač:** Gradonačelnica  
**Obrađivač:** Gradska služba za obrazovanje,  
kulturu, sport i mlade

**Sarajevo, januar 2024. godine**

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba



Na osnovu člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23), Gradsko vijeće Grada Sarajeva, na \_\_. sjednici održanoj dana \_\_. \_\_. 2024. godine, donijelo je:

**(Prijedlog)**

**Odluku  
za nagrađivanje učenika srednjih škola koji su postigli zapažene rezultate na zvaničnim  
takmičenjima iz nastavnih predmeta u prethodnoj 2023./2024. školskoj godini iz Budžeta  
Grada Sarajeva za 2024. godinu**

## **I OPĆE ODREDBE**

### **Član 1.**

- 1) Ovom odlukom utvrđuju se opće odredbe, način, kriteriji i postupak nagrađivanja učenika srednjih škola iz Budžeta Grada Sarajeva.
- 2) Nagrade za učenike, srednjih škola sa teritorije Grada Sarajeva dodjeljuju se iz Budžeta Grada Sarajeva za 2024. godinu, za jedan ostvareni uspjeh u najvišem rangu takmičenja iz prethodne 2023./2024. školske godine.
- 3) Evaluacija nagrađivanja učenika srednjih škola će se vršiti u skladu sa postignutim rezultate na zvaničnim takmičenjima iz predmeta Kalendara takmičenja, revija/smotri i drugih manifestacija koje su u organizaciji i učešću Ministarstva za odgoj i obrazovanje Kantona Sarajevo i Instituta za razvoj preduniverzitetskog obrazovanja Kantona Sarajevo u prethodnoj školskoj godini.
- 4) Nagrada će se isplaćivati jednokratno krajem budžetske 2024. godine u iznosu koji odluči Komisija, na osnovu sredstava obezbjeđenih u Budžetu Grada Sarajevo za 2024. godinu, postignutog rezultata i ostvarenog vladanja učenika iz prethodne 2023./2024. školske godine.

## **II NAČIN I KRITERIJI**

### **Član 2.**

- 1) Gradonačelnik/ca Grada Sarajevo jednom godišnje, u četvrtom kvartalu tekuće godine, raspisuje Javni poziv za nagrađivanje učenika srednjih škola koji su postigli zapažene rezultate na zvaničnim takmičenjima iz određenih nastavnih predmeta u prethodnoj 2023./2024. školskoj godini iz Budžeta Grada Sarajeva za 2024. godinu (u daljnjem tekstu: „Javni poziv“), a na osnovu Kalendara takmičenja, revija/smotri i drugih manifestacija koje su u organizaciji i učešću Ministarstva za odgoj i obrazovanje Kantona Sarajevo i Instituta za razvoj preduniverzitetskog obrazovanja Kantona Sarajevo.
- 2) Javni poziv se objavljuje na službenoj web stranici Grada Sarajeva i sadrži uslove i kriterije koje kandidati moraju ispunjavati, rok i način za podnošenje prijave, te druge potrebne podatke.
- 3) Gradonačelnik/ca Grada Sarajeva će putem Gradske službe za obrazovanje, sport, kulturu i mlade (u daljnjem tekstu: „Služba“), po objavljivanju Javnog poziva na službenoj web stranici Grada Sarajeva, objaviti i Informaciju o raspisivanju Javnog poziva u dva štampana medija javnog informiranja.

### **Član 3.**

- 1) Pravo učešća na Javnom pozivu iz člana 2. ove odluke imaju učenici srednjih škola:
  - Koji u prethodne 3 (tri) godine imaju prebivalište/boravište na području jedne od četiri gradske općine (Centar, Stari Grad, Novo Sarajevo i Novi Grad);
  - koji se nalaze na redovnom školovanju;
  - koji ne obnavljaju razred.

#### Član 4.

- 1) Kriterij za nagrađivanje iz Budžeta Grada Sarajevo u skladu sa ovom Odlukom jeste da je učenik srednje škole ostvario uspjeh na određenom nivou takmičenju u prethodnoj školskoj godini iz jednog predmeta, i to kako stoji u nastavku:
  - Prvi nivo: takmičenje iz predmeta posebno značajnog za određenu školu/struku/zanimanje – takmičenje organizirano na nivou Kantona Sarajevo;
  - Drugi nivo: takmičenje iz predmeta posebno značajnog za određenu školu/struku/zanimanje – takmičenje organizirano na nivou Federacije Bosne i Hercegovine;
  - Treći nivo: takmičenje iz predmeta posebno značajnog za određenu školu/struku/zanimanje – takmičenje organizirano na nivou države Bosne i Hercegovine;
  - Četvrti nivo: takmičenje iz predmeta posebno značajnog za određenu školu/struku/zanimanje – takmičenje organizirano na međunarodnom nivou.

#### Član 5.

- 1) Ukupni iznos dodijeljene nagrade će zavisiti od uspjeha ostvarenog u prethodnoj školskoj 2023/2024 školskoj godini.
- 2) Učenici sa ukupnim prosjekom ocjena 5,00 ostvarenim u prethodnoj školskoj godini ostvaruju pravo na dodjelu cjelokupne nagrade koju odredi Komisija, dok učenici sa manjim prosjekom ocjena će ostvariti nagradu u skladu s ostvarenim uspjehom.
- 3) Jedino će se učešće na međunarodnim takmičenjima nagraditi u skladu sa raspoloživim sredstvima.

#### Član 6.

- 1) Učenici srednjih škola na teritorije Grada Sarajevo, koji se javljaju na Javni poziv, trebaju ispuniti Prijavni obrazac i iduće uslove:
  - a. Izjava kandidata kojom se daje saglasnost da se njegovi podaci mogu obrađivati u skladu sa članom 5. Zakona o zaštiti ličnih podataka („Službeni glasnik BiH“, broj 76/11), (*Napomena: za maloljetne kandidate Izjavu daje roditelj/staratelj i ista treba biti ovjerena od strane nadležne općinske službe*).
  - b. Da su državljani BiH – *dostaviti uvjerenje o državljanstvu ili ovjerenu kopiju rodnog lista sa navedenom činjenicom o državljanstvu ne starije od 6 mjeseci od dana objave Javnog poziva*;
  - c. Da imaju prebivalište na području četiri gradske općine (*Centar, Stari Grad, Novo Sarajevo i Novi Grad Sarajevo*) najmanje 3 godine prije podnošenja prijave na Javni poziv- CIPS;
  - d. Uvjerenje o kretanju, *ne starije od 30 dana (MUP KS)*;
  - e. Da se nalaze na redovnom školovanju – *potvrdu o upisu kandidata u tekuću školsku godinu, izdatu od nadležne institucije škole sa naznakom da kandidat prvi put upisuje razred*;
  - f. Svjedočanstvo o ostvarenom uspjehu u prethodnoj 2023/2024 školskoj godini;
  - g. Dokaz/uvjerenje/potvrda od matične škole da je učenik/ca učestvovao i ostvario rezultat na zvaničnom takmičenju iz srodnog predmeta na nivou Kantona Sarajevo, Federacije BiH, BiH ili međunarodnog takmičenja;
  - h. Ovjerena kopija diplome/potvrde o ostvarenom rezultatu na zvaničnom takmičenju iz srodnog predmeta na nivou Kantona Sarajevo, Federacije BiH, BiH ili međunarodnom takmičenju iz prethodne godine;
  - i. Potvrda o solventnosti računa iz banke jednog od roditelja/staratelja ili punoljetnog kandidata; (*Molba roditeljima/starateljima da obrate pozornost ukoliko učenik/ca postaje punoljetno lice u dogledno vrijeme od datuma objave Javnog poziva, da otvore račun u banci na njihovo ime i dostave novu potvrdu o solventnosti na ime učenika iz razloga da isplata nagrada učenicima ne bi kasnila, jer će nagrade biti doznačene nakon završetka procesa obrade/analize i ocjene pristiglih prijava*)

- 2) Prijavni obrazac je sastavni dio dokumentacije, te bez istog neće biti moguće vršenje vrednovanja dokumentacije.
- 3) Uvjerenjem o kretanju izdatom od nadležne institucije će se potvrđivati stav da je kandidat imao prebivalište na području četiri gradske općine najmanje 3 godine prije podnošenja prijave na Javni poziv.
- 4) Ukoliko bude nedostajala Izjava kandidata da se njegovi podaci mogu obrađivati u skladu sa čl. 5 Zakona o zaštiti ličnih podataka ("Službeni list BiH" br. 76/11), Komisija će zaustaviti analizu prijave tog kandidata i prijava će biti smatrana nevažećom, te se ime kandidata neće nalaziti na listi uspješnih kandidata. Kandidat koji bude smatrao da je oštećen po ovom stavu, ima pravo žalbe kao i ostali kandidati.

#### **Član 7.**

- 1) Sva potrebna dokumentacija kojom se dokazuje ispunjenje kriterija za nagrađivanje učenika srednjih škola mora biti ovjerena kopija.
- 2) Neblagovremene i nepotpune prijave neće biti uzete u razmatranje.
- 3) Dokumentacija se ne vraća kandidatima, već se čuva u instituciji Grad Sarajevo i to u skladu sa važećim propisima.

#### **Član 8.**

- 1) Prijave na Javni poziv podnose se u roku od 15 dana od dana objavljivanja na službenoj web stranici Grada Sarajeva, lično na protokol ili putem pošte na adresu Gradska uprava Grada Sarajeva, Gradska služba za obrazovanje, sport, kulturu, mlade, Ćemaluša broj 9/III, sa naznakom, „Javni poziv za nagrađivanje učenika srednjih škola koji su postigli zapažene rezultate na zvaničnim takmičenjima iz određenih nastavnih predmeta u prethodnoj 2023./2024. školskoj godini iz Budžeta Grada Sarajeva za 2024. godinu“. Prijavni obrazac se preuzima na službenoj web stranici Grada Sarajeva, [www.sarajevo.ba](http://www.sarajevo.ba).

### **III POSTUPAK ODREĐIVANJA NAGRADE**

#### **Član 9.**

- 1) Sve prijave pristigle na Javni poziv, Služba sa kompletnom dokumentacijom upućuje na sjednicu zajedničke Komisije za razmatranje, obradu i analizu pristiglih prijava na Javni poziv za nagrađivanje učenika srednjih škola koji su postigli zapažene rezultate na zvaničnim takmičenjima iz određenih nastavnih predmeta u prethodnoj 2023./2024. školskoj godini iz Budžeta Grada Sarajeva za 2024. godinu (u daljnjem tekstu: „Komisija“).
- 2) Komisiju iz stava 1. ovog člana čini 7 (sedam) članova od kojih su 4 člana predstavnici Gradskog vijeća Grada Sarajeva i 3 člana predstavnici Gradske uprave Grada Sarajeva.
- 3) Gradsko vijeće Grada Sarajeva svake godine donosi novu Odluku o izboru članova Komisije za razmatranje, obradu i analizu pristiglih prijava na Javni poziv za nagrađivanje učenika srednjih škola koji su postigli zapažene rezultate na zvaničnim takmičenjima iz određenih nastavnih predmeta u prethodnoj školskoj godini iz Budžeta Grada Sarajeva.
- 4) Nakon donošenja Odluke iz stava 3. ovog člana, gradonačelnik/ca Grada Sarajeva donosi Rješenje o imenovanju zajedničke Komisije za razmatranje, obradu i analizu pristiglih prijava na Javni poziv za nagrađivanje učenika srednjih škola koji su postigli zapažene rezultate na zvaničnim takmičenjima iz određenih nastavnih predmeta u prethodnoj školskoj godini iz Budžeta Grada Sarajeva.

## Član 10.

- 1) Gradska Služba za obrazovanje, sport, kulturu i mlade će izraditi u računarskom programu „Office Excel“ alat za lakšu analizu i obradu podataka dobijenih iz dostavljene dokumentacije kandidata, te će predstavnik Komisije iz Gradske uprave vršiti unošenje podataka uz verifikaciju člana Komisije iz reda predstavnika Gradskog vijeća Grada Sarajeva.
- 2) Alat u „Office Excel“ potrebno je da sadrži tri tabele, i to:
  - Prva tabela je za analizu podataka i treba da sadrži kolone za: redni broj, Izjava kandidata da se njegovi podaci mogu obrađivati u skladu sa čl. 5 Zakona o zaštiti ličnih podataka („Službeni glasnik BiH“, broj 76/11), ime, prezime, državljanstvo BiH, Prebivalište na području četiri gradske općine, Potvrda o redovnom školovanju, Uspjeh ostvaren u prethodnoj školskoj godini, potvrda o postignutom rezultatu (osvojeno mjesto, nivo) i napomenu;
  - Druga tabela se odnosi na određivanje novčanih iznosa na osnovu zaprimljenih podataka, te treba da sadrži kolone za nivoe takmičenja navedene redom prema dolje (Kantonalno takmičenje, federalno takmičenje, državno takmičenje, međunarodno takmičenje), Koeficijent za takmičenje, broj kandidata koji zadovoljavaju, procent učešća kandidata, iznose po nivoima sa konačnim iznosima te računski dio sa drugim koeficijentima za prvo, drugo i treće mjesto, te učešće učenika na međunarodnim takmičenjima.
  - Treća tabela se odnosi na određivanje iznosa kandidatima koji su ostvarili pravo na nagradu i sadrži kolone za redni broj, ime, prezime, ostvareno mjesto, uspjeh iz prethodne školske godine, te pripadajući iznos.
- 3) Iz stava 2), tačka druga, koeficijenti za nivoe takmičenja iznose:
  - a. Kantonalni nivo: 0.15 ili 15% od ukupnog iznosa osiguranog u Budžetu Grada Sarajeva;
  - b. Federalni nivo: 0.20 ili 20% od ukupnog iznosa osiguranog u Budžetu Grada Sarajeva;
  - c. Državni nivo: 0.30 ili 30% od ukupnog iznosa osiguranog u Budžetu Grada Sarajeva;
  - d. Međunarodni nivo: 0.35 ili 35% od ukupnog iznosa osiguranog u Budžetu Grada Sarajeva.
- 4) Iz stava 2), tačka druga, drugi koeficijenti za izračun prema ostvarenim mjestima iznose:
  - a. Za Kantonalni, Federalni i Državni nivo:
    - 1. mjesto: 0.55 ili 55% od pripadajućeg postotka nivoa takmičenja;
    - 2. mjesto: 0.30 ili 0.30 % od pripadajućeg postotka nivoa takmičenja;
    - 3. mjesto: 0.15 ili 0.15 % od pripadajućeg postotka nivoa takmičenja.
  - b. Za Međunarodni nivo:
    - 1. mjesto: 0.50 ili 50% od pripadajućeg postotka nivoa takmičenja;
    - 2. mjesto: 0.25 ili 25% od pripadajućeg postotka nivoa takmičenja;
    - 3. mjesto: 0.15 ili 15% od pripadajućeg postotka nivoa takmičenja;
    - Učešće: 0.1 ili 10% od pripadajućeg postotka nivoa takmičenja.
- 5) U slučaju da bude više od 150 zadovoljavajućih kandidata, Komisija ima pravo prilagoditi koeficijente i to će biti posebnim zaključkom uvedeno u zapisnik.
- 6) U slučaju da bude manje od 70 zadovoljavajućih kandidata, Komisija ima pravo prilagoditi koeficijente, čak i da zbir koeficijenata ne iznosi cijelih 1.00, ali da najviše može biti neutrošeno 15% od planiranih sredstava i to će biti posebnim zaključkom uvedeno u zapisnik.
- 7) Ostvareni iznos za kandidate se vrši tako što se prvo sredstva osigurana u Budžetu Grada Sarajevo množe u skladu sa koeficijentima iz stava (3) ovog člana, a onda se dobivena sredstva određenog nivoa posebno množe sa svakim pripadajućim ostvarenim mjestom prema koeficijentima iz stava 4), nakon čega se dobiveni iznos dijeli sa brojem kandidata pripadajućeg ostvarenog mjesta po

- nivoima. (primjer: „Osigurana sredstva“ x „koeficijent nivoa takmičenja“ x „drugi koeficijent prema ostvarenom mjestu“ / „brojem kandidata određenog ostvarenog mjesta).
- 8) U tabelu iz stava (2), tačka treća, u posljednju kolonu „pripadajući iznos“ se računa tako što se ostvareni prosjek ocjena iz prethodne godine kandidata dijeli sa brojem 5 (slovima: pet, koji predstavlja najveći mogući ostvareni uspjeh (odličan)), a kako bi se dobio koeficijent/procentat kojim se množi pripadajući iznos iz tabele iz stava (2), tačka druga.
  - 9) Ovakvim načinom izračuna se osigurava da učenici koji su ostvarili što bolji rezultat u toku prethodne školske godine, budu prepoznati i da se njihov trud i zalaganje nagradi.
  - 10) Svaka sjednica Komisije će se pratiti putem zapisnika, a slike tabele iz stava (2) ovog člana će biti sastavni dio zapisnika, koji će se dostavljati svim članovima komisije nakon održane sjednice, a kako bi se ostvario uvid u transparentan rad svih članova Komisije.
  - 11) U slučaju da se na kraju sva sredstva namijenjena za ovaj Javni poziv ne utroše, Komisija će gradonačelniku/ci predložiti da preostala sredstva budu preraspodijeljena na Javni poziv Sufinansiranja projekata poboljšanja prostornih i materijalnih uvjeta u osnovnim i srednjim školama sa područja Grada Sarajeva.

#### **Član 11.**

- 1) Zadatak zajedničke Komisije iz člana 10. ove Odluke je da prijave pristigle na Javni poziv obradi i analizira u skladu sa kriterijima utvrđenim ovom Odlukom, odnosno uslovima navedenim u Javnom pozivu.
- 2) Nakon obrade i analize svih pristiglih prijava, Komisija sačinjava preliminarnu listu uspješnih kandidata te istu dostavlja gradonačelniku/ci Grada Sarajeva na saglasnost.
- 3) Preliminarna lista uspješno izabranih kandidata bit će objavljena na službenoj web stranici Grada Sarajeva, [www.sarajevo.ba](http://www.sarajevo.ba).
- 4) Na preliminarnu listu iz prethodnog stava ovog člana, učenici mogu podnijeti pismeni prigovor u roku od 8 (osam) dana od dana objavljivanja iste.
- 5) Po zaprimljenom pismenom prigovoru, gradonačelnik/ca Grada Sarajeva će u roku od 8 (osam) dana obavijestiti kandidata, odnosno donijeti odgovor na prigovor.
- 6) Nakon 10 (deset) dana od dana objavljivanja preliminarne liste, gradonačelnik/ca Grada Sarajeva će objaviti i konačnu listu uspješnih kandidata na službenoj web stranici Grada Sarajeva.
- 7) Gradonačelnik/ca Grada Sarajeva će sa izabranim učenicima, odnosno njihovim oditeljima/starateljima, potpisati pojedinačne Ugovore o nagradama, kojima će se regulirati međusobna prava i obaveze.

### **IV PRELAZNE I ZAVRŠNE ODREDBE**

#### **Član 12.**

Nadzor nad provedbom ove Odluke vrši gradonačelnik/ca Grada Sarajeva putem Službe. Gradonačelnik/ca Grada Sarajeva se obavezuje da putem Službe jednom godišnje dostavi Gradskom vijeću Grada Sarajeva Izvještaj o provođenju ove Odluke.

#### **Član 13.**

Sredstva za nagrađivanje utvrđuju se u Budžetu Grada Sarajeva svake godine za narednu godinu.

#### **Član 14.**

Gradonačelnik/ca Grada Sarajeva može putem Službe da kontaktira relevantne ustanove u slučaju potrebe eventualnih provjera dokumentacije za učenike prijavljene na Javni poziv.

**Član 15.**

Izmjene i dopune Odluke vrše se na način i po postupku za njeno donošenje.

**Član 16.**

Ova odluka stupa na snagu narednog dana od dana objavljivanja u „Službenim novinama Kantona Sarajevo“.

**PREDSJEDAVAJUĆI GRADSKOG VIJEĆA**

**Jasmin Ademović**

**Broj:**

**Sarajevo, \_\_.\_\_.2024. godine**

## OBRAZLOŽENJE

### PRAVNI OSNOV

Pravni osnov za donošenje Odluke sadržan je u članu 31. stav (1) tačka b) Statuta Grada Sarajeva Statuta Grada Sarajeva kojim je propisano da Gradsko vijeće Grada Sarajeva donosi odluke, druge propise i opće akte i daje njihovo tumačenje.

### RAZLOZI DONOŠENJA

Grad Sarajevo u proteklih nekoliko godina uspješno realizira projekat stipendiranja učenika srednjih škola iz Budžeta Grada Sarajeva. Projekat se pokazao izuzetno uspješan, što potvrđuje činjenica da je broj prijava na konkurs za dodjelu stipendija kontinuirano rastao. Međutim, na osnovu dosadašnjeg iskustva u radu, Grad Sarajevo je zaprimio nekoliko negodovanja roditelja/staratelja kako djeca koja su uspješna u svom školovanju, a koji prema kriterijima za ostvarivanje stipendije Grada Sarajeva ne mogu ostvariti dovoljan broj bodova, iz razloga što je projekat stipendiranja orijentisan prema učenicima srednjih strukovnih/zanatskih škola. Također Gradsko vijeće Grada Sarajevo je već nekoliko puta zaprimalo inicijative za uspostavljanje fonda u Budžetu Grada Sarajeva za nagrađivanje učenika za izvrsnost. Shodno iznesenom Gradska služba za obrazovanje, sport, kulturu i mlade pristupila je izradi novog Prijedloga Odluke kojom se regulišu uslovi i kriteriji za realizaciju postupka dodjele nagrada za nagrađivanje učenika srednjih škola koji su postigli zapažene rezultate na zvaničnim takmičenjima iz određenih nastavnih predmeta u prethodnoj 2023/2024 školskoj godini iz Budžeta Grada Sarajeva za 2024. godinu. Shodno naprijed navedenom, cijeneći izuzetan značaj ovog projekta, kao i potrebu da se uredi oblast nagrađivanja učenika, tj. propis kojim se reguliše ova oblast, Gradsko vijeće Grada Sarajeva je donijelo Odluku.

### OBRAZLOŽENJE PREDLOŽENIH RJEŠENJA

Članom 1. Odluke utvrđuju se opće odredbe, način, kriteriji i postupak dodjeljivanja nagrade učenicima iz Budžeta Grada Sarajeva za ostvarene rezultate na takmičenjima u prošloj školskoj godini.

Članom 2. propisuje se obaveza i način raspisivanja Javnog poziva.

Članom 3. i članom 4. propisuje se tko ima pravo učešća na Javnom pozivu, kao i kriteriji za dodjeljivanja nagrade učenicima .

Članom 5. propisuje se kome će se dodijeliti ukupni iznos nagrade za ostvarene rezultate i ko može dobiti nagradu za učešće.

Članom 6. propisuje se dokumentacija koju su učenici dužni priložiti prilikom prijavljivanja na Javni poziv.

Članom 7. propisuje se da sva potrebna dokumentacija treba biti original ili ovjerena kopija, a članom 8. propisuje se način podnošenja prijava.

Članom 9. i članom 10. i članom 11. propisuje se postupak rada Službe, odnosno zajedničke Komisije za razmatranje, obradu i analizu pristiglih prijava na Javni poziv.

Članom 12. propisuje se tko vrši nadzor nad provođenjem Odluke, kao i obaveza podnošenja Izvještaja o provođenju Odluke Gradskom vijeću Grada Sarajeva.

Članom 13. i članom 14. propisuje se kako se utvrđuju sredstva za ovu namjenu u Budžetu Grada Sarajeva, kao i pravo gradonačelnika/ce Grada Sarajeva da u slučaju potrebe kontaktira relevantne ustanove.

Članom 15. propisuje se način izmjena i dopuna Odluke.

Članom 16. propisuje se e stupanje na snagu Odluke.

### FINANSIJSKA SREDSTVA

Finansijska sredstva za realizaciju ove odluke potrebno je planirati u Budžetu Grada Sarajeva za 2024. godinu, i to u iznosu od 50.000,00 KM.